

ՊԱՇՏՕՆԱԿԱՆՔ.

ԴԻԻԱՆ ՎԵՀԱՓԱՌ ԿԱԹՐԻՂԻԿՈՍԻ.

Կոնդակաւ Վեհափառ Հայրապետի Ազգիս ի 14 Ապրիլի ընդ համարաւ 200՝ թոյլատրեցաւ բարեկրօն Եղիշէ քահանայի Խանուղլար գեղջ՝ բանալ զմիգասեան օրիորդական ուսումնարան ի գեղջ իւրում և պահպանել զայն սեպհական ծախիւք իւրովք՝ համաձայն իւրումն ցանկութեան:

Կոնդակ Վեհափառ Հայրապետի Ազգիս 13 Յունիսի ընդ համարաւ 300՝ ընդ որում առաքեցաւ առ Ամենապատիւ Պատրիարքն Հայոց Կ. Պօլսոյ՝ Սրբազան Յարութիւն Արքեպիսկոպոսն Կոնքեո Հովուապետական, ի նշանակ գոհունակութեանց և համակրեաց Նորին Վեհափառութեան՝ առ Նորին Ամենապատուութիւնն:

Նորին Վեհափառութիւնն մակագրութեամբ ի վերայ յայտարարութեան Կառավարչի Թեմին Հայոց Արցախոյ 12ն Մայիսի ընդ համարաւ 230՝ բարեհաճեցաւ թոյլադրել Գրիգոր աղայի Թովմասեան Այվազեանց նորոգել զխախտուածս եկեղեցւոյ Հայոց Սարուշէն գեղջ և առննթեր նմին կառուցանել զշինուած ուսումնարանի սեպհական ծախուք իւրովք:

Կոնդակաւ Վեհ. Հայրապետի Ազգիս ի 28 Ապրիլի ընդ համարաւ 222՝ հաստատեցան ի պաշտօն հոգաբարձութեան եկեղեցական—ծխական երկգասեան արականաց ուսումնարանի Սուրբ Աստուածածին եկեղեցւոյ Հայոց Գէշրլու գեղջ՝ բարեկրօն գործակալ Թադէոս քահանայն Մելիք Ղազարեանց և պատուելիք՝ Սարգիսն Մամիկոնեանց, Գրիգորն Ահարօնեանց և Սահակն Զաքարեանց:

Կոնդակաւ Վեհ. Հայրապետի Ազգիս ի 5 Մայիսի ընդ համարաւ 237՝ հաստատեցան ի պաշտօն հոգաբարձութեան եկեղեցական—ծխական միգասեան կեդրոնական արականաց ուսումնարանի Սուրբ Յակովբ եկեղեցւոյ Հայոց Հոռոթ գեղջ՝ բարեկրօն Ստեփաննոս քահանայն Վարդանեանց և պատուելիք՝ երեցփոխան մահտեսի Դաւիթն Դանիէլեանց և Սիմէօնն Յովհաննիսեանց:

Կոնդակաւ Վեհ. Հայրապետի Ազգիս ի 5 Մայիսի ընդ համարաւ 238՝ հաստատեցան ի պաշտօն հոգաբարձութեան եկեղեցական—ծխական միգասեան արականաց ուսումնարանի Սուրբ Աստուածածին եկեղեցւոյ Հայոց Տնակերտ գեղջ՝ բարեկրօն Ստեփաննոս քահանայն Տէր Յովհաննիսեանց և պատուելիք՝ երեցփոխան Դասպարն Իսաղուլեանց և Ծատուրն Խաչատրեանց:

Կոնդակաւ Վեհ. Հայրապետի Ազգիս ի 23 Մայիսի ընդ համարաւ 273՝ հաստատեցան ի պաշտօն հոգաբարձութեան եկեղեցական—ծխական Սուրբ Ներսիսեան միգասեան արականաց ուսումնարանի Սուրբ Ստեփաննոս եկեղեցւոյ Հայոց Ղայարաշի գեղջ՝ բարեկրօն Մելքիսեդէկ քահանայն Կարապետեանց և պատուելիք՝ երեցփոխան Գրիգորն Դանուխուլեանց և Գալուստն Տէր Յարութիւնեանց: